

Áššeovddideapmi

____ Vuodđodokumeanta.
 x Jorgaluvvon dokumeanta

Vuorkááššennr. 2018/858-10	Vuorká: 231	Áššemeannudeaddji: Britt Elin Ørnebakk	Dáhton: 06.06.2019
--------------------------------------	-----------------------	--	------------------------------

Lávd.áššennr.	Lávdegoddi:	Čoahkkindáhton:
	Ovdagotti mearrádusevttohančoahkkin	
	Suohkanstivra	

RIEVDADIT MÁNÁIDGÁRDDI VÁHNENMÁVSSU

Mearrádusdiehtu sáddejuvvo dán čujuhussi:

- Mánáidgárddiid doaibmajodiheddji

Čujuhuvvo čuovvovažži:

- Suohkanstivrra mearrádus 01/19

Ášši duogáš:

Suohkanstivra háliidii geačadit lagabui dan váhnenmávssu mánáidgárddiin, go bajimushaddi dál lea kr. 2 990,- + biebmoruhta ovttá mánáidgárdesajis.

Dan dihte dinggojuvvui ekonomalaš váikkuhusárvoštallan mánáidgárdesaji bajimushatti vuolideamis hattiide kr 2 900,-, kr 2 700,- dahje kr 2 500,-.

Árvvoštallan:

Suohkan lea dán rádjái čuvvon našunála bajimus haddemeari, mii dál lea kr 2 990,- earret biebmoruđa, muhto mii fas borgemánu 1. beaivvi 2019 rájes lea kr 3 040,-. Mii leat árvvoštallan golu otna váhnenmávssus suohkana mánáidgárddiid olis, mii dahká kr 2 731 988,- earret biebmoruđa. Buot golut mat ovdanbuktojuvvojit dás leat earret biebmoruđa. Biebmoruhta mánáidgárdesajis lea gaskal kr 150 – ja kr 300,-. Dat hattit leat nie dan dihte go guokte suohkanmánáidgárddi ostet dušše šattui/ruotnasiid ja juhkamuša, ja guokte suohkanmánáidgárddi ostet ja guossohit guokte boradeami juohke beaivvi, ja okta boradeapmi juohke vahku lea liegga beaiveborramuš.

Norggas gávdno ortnet viessodoaluide gos sisabohtu lea vuollel kr 533 500,-, mii mearkkaša ahte váhnenmáksu mánáidgárdesaji ovddas lea vuoliduvvon. Dát ortnet mearkkaša maidai ahte mánát geat leat gaskal 3 ja 5 jagi ožžot 20 diimmu nuvttá váimmusaiggi mánáidgárddis juohke vahku. Dál mis leat 19 mánáidgárdesaji vuoliduvvon váhnenmávssuin, ja vuolimus haddi dain lea kr 168,- mánus. Vuoliduvvon váhnenmáksu sisabohtu vuolil dahká kr 416 608,50 mánáidgárdejagi 2018/19.

Váhnemiidda geain leat mánga máná ja čohkkejuvvon sisabohtu badjel kr 533 500,-, lea mánáidgárdegollu kr 5 083,- mánus, kr 55 913 jagis jus sudnos leat guokte máná. Jus sudnos leat golbma máná mánáidgárddis, de lea mánáidgárdesaji gollu kr 6 578,- mánus, kr 72 358,- jagis, mii dahká stuora oasi dábálaš bearraša bušehtas.

Unnit bajimushaddi mánáidgárdesaji ovddas doaimá buorin nuoraide geat leat ásaheame bearrašiin ja árvvoštallet bisánit min suohkanii. Muhto jus unnida váhnenmávssu ferte maidai geahčadit gokko galgá nagodit buhttet dan sisaboađu man sihkku váhnenmávssus. Nu movt dál lea, de ii leat šat munni seastit dán mánáidgárddiid bušeahtaid siskkobealde, go dat leat juo nu ollu čuhppojuvvon goluid dáfus, earret barggiid.

Jus baicca mearrida doallat váhnenmávssu dálá dásis, dat mearkaša kr 2 990,-, de sáhtá čavčča rájes fállat veahá vuolit váhnenmávssu go dat mii lea našunálaččat, go bajimushaddi borgemánu 1. beaivvi rájes galgá lasihuvvot kr 3 040,- rádjái, lasihus mii lea kr 50,-.

Váhnenmáksu juohke jagi vuolidemiin

Váhnenmáksu mánu	2 990,-	2 900,-	2 700,-	2 500,-	2 300,-	2 100,-
Juohke jagi	2 731 988	2 665 031	2 485 401	2 296 091	2 127 571	1 959 051
Erohus našunála bajimushattis		66 957	246 587	435 897	604 417	772 937

Mearrádusevttohus:

Dálá mánáidgárdesaji váhnenmáksomearri doalahuvvo